

## **Makitibi ki Pol ndangi adi Titi**

*Ta ki dɔ makitibi ti ki Pol ndangi adi Titi*

Titi ki Pol ndangi makitibi ade kin e Jipi (Gal 2.1-3). Titi e ki kare dan madi-kilə Pol je ti. E e ə ilə rone nangi ra adi Pol əi ki njé kaw-naa je ki Koreti ti tɔli iləi noji naa ti (2Kor 7.6-16). Pol ndangi makitibi kin adi Titi loki Titi e dɔ dər ti ki Kirəti. Pol ade kilə kadi ində kəmne go njiyə maji ti lə njé kaw-naa je ki Kirəti ti (1.5).

Lo kilə ngirə ta ti, Pol əl Titi ne ki uwə mee ə ndangi-n makitibi kin ade (1.1-4). Go ti, əl-e ne je ki sɔbi kadi dəw oo rɔ njé kər nɔ njé kaw-naa je ti (1.5-16). Ta ki re go ti, Pol adi Titi ta kɔji ɔji-n dɔ ɔuti dije je ki dangi dangi ki toi dan njé kaw-naa je ti, kadi ində kəmne gode ti. Adi e dingəm je ki tɔgi, ki dəne je ki tɔgi, ki ngan basa je, ki ngan mandɔ je ki sɔbi kadi dəne je ki tɔgi a indəi kəmde gode ti, ki ɔə je (2.1-15). Go ta kɔji ti, Pol ɔji Titi rəbi kilə lə njé kun go Kirisi ki sɔbi kadi ɔji-de adi rai, kadi isi ki naa ki lapiya ki kanji gangi-naa (3.1-11). Pol tɔl ta ta ləne ki ngan ndu je ki kadi ra ki Titi me kilə ti nim, ki ta kuwə ji-naa nim tɔ (3.12-15).

Ta ki to me makitibi ti ki Pol ndangi adi Titi kin, e ta ki un njé kaw-naa je pəti, ɔi e ta ki dɔkagilo ti lə Titi par əl. Ta dɔ kində-naa dɔ kilə ti ki goe goe dɔ njé kaw-naa je ti, ə se kində kəm go njé kaw-naa je ti kadi njiyəi maji, ki ta ki dɔ pa njiyə njé kər nɔ njé kaw-naa je ti, ki kilə ki sɔbi kadi njé kaw-naa je wa

rai kɪn, e ta ki sɔbi dɔ njé kaw-naa je pəti ki lo je ti ki dangi dangi.

### *Kuwəji-naa*

<sup>1</sup> Mi Pol ki bəə kilə lə Luwə, mi ki nje kaw kilə lə Jəju Kirisi ə m-ndangi makitibi kɪn. Mi nje kaw kilə mba kadi dije ki Luwə mbəti-de adi mede. Taa kadi m-ɔji-de kadi gəri nɛ ki rɔjeti ki go ndu Luwə ti tɔ.

<sup>2</sup> Be mba kadi indəi mede dɔ kaji ti ki bitɪ ki nɔ ti, ki Luwə ki nje ngom al, un mindine adi-je dɔ ti kəte nɔ nɛ je ti pəti.

<sup>3</sup> Luwə ɔji ta lə nɛ adi dije gəri ki takul kiyə ki iyə jim ti kadi m-ilə mbɛe dɔkagilo ti ki e wa ɔji. M-ilə mbɛe ki go ndigɪ ti lie e ki NJe kaji-je.

<sup>4</sup> M-ndangi makitibi kɪn m-adi j Titi<sup>☆</sup> ki j ngonm ki rɔjeti. J ngonm ki rɔjeti me kadi-me ti, ki je kare ba dɔ ti. Kadi me-maji ki kisi-maje lə Luwə ki Bawje əi ki Jəju Kirisi ki NJe kaji-je e səi naa ti.

### *Kilə ki kadi Titi ra me ɓe ti ki Kirəti.*

<sup>5</sup> M-iyəi gogɪ dɔnangi ti ki Kirəti mba kadi tə itəl ta kilə je ki nay. Ningə kadi ində ngatɔgi je dɔ njé kaw-naa je ti me ɓe bo je ti kare kare pəti. Ində-de ki go kɔji ti ki ndɔ ki m-ɔjii.

<sup>6</sup> Ningə sɔbi kadi dəw ki ngatɔgi e dəw ki ta goto dɔe ti, e ngaw dəne ki kare ba, kadi e dəw ki ngane je əi njé kadi-me je, ki kadi dəw ində ta dɔde ti ɔji dɔ hal ki majal ə se dɔ ngə al.

<sup>7</sup> Sɔbi kadi nje kər nɔ njé kaw-naa je e dəw ki ta goto dɔe ti, mbata e nje ngəm nɛ lə Luwə. Kadi e nje tɔ rɔ al, e nje wongɪ al, e gɔ kasi al, e nje rɔ al, taa kadi e nje ge nɛ ki go rəbi ti ki dana al, al tɔ.

☆ 1:4 2Kər 8.23; Gal 2.3; 2Tim 4.10

<sup>8</sup> Sɔbi kadi e nje ra mba, kadi e nje ge ne ra ki maji, e nje kəl ta ki go rəbe ti, e dəw ki dana, e dəw ki ay njay, e nje kuwə rone gin tagine ti.

<sup>9</sup> Maji kadi uwə rone ngame ta ti ki rəjeti, ki aw naa ti ki ne ndo ki ingə. Lo kin ti, a asi kadi ilə dingəm me ndəgi dije ti ki ne ndo ki rəjeti. Taa a asi kadi ɔji njé je ki isi ndoi ne je ki rangi kadi gəri təkɪ ndəmi rəbi tɔ.

<sup>10</sup> Dije ngay dan \*Jipi je ti əi njé mbati təl rəde go ta ti ki rəjeti, isi tidəi ta je ki biriri, isi ədi dije ki ta ki ndae goto.

<sup>11</sup> Adi uti tade dɔ ta je ti ləde. MBata tui dɔ dije me kəy je ti ngay ki ne ndo ki kadi dəw ndo al. Rai be mba kadi ingəi ne kingə ki go rəbe ti al ji dije ti.

<sup>12</sup> Dəw kare dande ti, adi e nje kəl ta ki tade ti əi je wa ə nə: «Dije ki Kirəti ti əi njé kəl ta ki ngom ki ndo je pəti, əi da je ki mande majal, əi njé ra ta mede, ki njé dabi je.»

<sup>13</sup> Ningə ta ki əl kin e ta ki rəjeti, ə maji kadi indangi-de ki rɔ tɪj, kadi əi njé kadi-me je ki rəjeti.

<sup>14</sup> Bi kadi təli rəde go su je ki kidə ti lə Jipi je ki go ndu-kun ti lə dije ki njé mbati ta ki rəjeti kam al.

<sup>15</sup> Ki rɔ dije ti ki ayi njay, ne je pəti ayi njay tɔ, nə ki rɔ dije ti ki ayi njay al, ki dije ki njé kadi mede al, ne ki ayi njay goto rəde ti. Ne ki ayi njay goto rəde ti, tadɔ ne gər ləde, ki mede ki kadi uwə-de ki ta tuji.

<sup>16</sup> Dije kin, əli tade ti təkɪ n-gəri Luwə, nə kilə rade naji ta gər-e. Əi njé ra ne ki to nje, əi njé tɔ rɔ je, asi kadi rai ne madi kare ki maji, al.

## 2

*Ta dɔ dije ti ki tɔgi, ki ngan basa je ki mandɪ je, ki bəə je*

<sup>1</sup> Níngə kɪ sɔbɪ dɔɪ, majɪ kadi indo ne kɪ aw naa ti kɪ ne ndo kɪ rɔjetɪ.

<sup>2</sup> Əl baw dɪngəm je kadi əɪ dije kɪ njé kuwə rɔde gɪn tɔgɪde ti, dije kɪ asi ta kɔsi-gon, dije kɪ njé ra ne kɪ go rəbe ti, dije kɪ awi kɪ kadi-me kɪ tɔge to, kadi əɪ dije kɪ awi kɪ ndɪgi-naa mede ti, dije kɪ njé kore mede.

<sup>3</sup> Əl kɔ dəne je kae ti wa kɪn be tɔ. Əl-de kadi pa nɪjɪyade e pa nɪjɪyə dije kɪ ayi njay, kadi əɪ njé kəl ta kɪ majal dɔ dije ti al, taa kadi əɪ gɔ kasi je al tɔ. Níngə, kadi əɪ njé ndo ne kɪ majɪ.

<sup>4</sup> Majɪ kadi ndoi dəne je kɪ du kadi ndɪgi ngawde je kɪ ngande je.

<sup>5</sup> Kadi əɪ njé ra ne kɪ go rəbe ti, əɪ njé ngəm rɔde, əɪ njé kɪndə kəmde go me kəy je ti ləde majɪ, əɪ dije kɪ majɪ, əɪ njé kɪlə dɔde gɪn ngawde je ti. Re rai be nɪngə, dije a əli ta kɪ mal dɔ ta ti lə Luwə al.

<sup>6</sup> Əl ngan basa je kɪ ngan mandɪ je tɔ, kadi awi kɪ hal kɪ majɪ me ne je ti pətɪ.

<sup>7</sup> Níngə ɟ wa kɪ dɔɪ, sɔbɪ kadi ɟ ne ndajɪ me ne ra je ti kɪ majɪ mbata ti ləde. Kadi ne ndo ləɪ e ne ndo kɪ tɔgɪ gangɪ kɪ ndam goto me ti.

<sup>8</sup> Kadi ta kəli e ta kəl kɪ ay njay, kɪ dəw asi kadi a əl yəne ɔsi-n kade al. Re ɪra be nɪngə, njé kɔsi-je ta a gəri ne kɪ kadi rai al, kadi awi kɪ ta kɪ majal kare kadi əli dɔje ti al.

<sup>9</sup> Əl bəə je kadi ɪləɪ dɔde gɪn tɔgɪ ti lə bade je me ne je ti pətɪ. Kadi bade je ɪngəɪ majɪ rɔde ti. Kadi najɪ ta bade je ti al,

<sup>10</sup> taa kadi ɓogi-de al tɔ. Kadi nayɪ-naa kɪ lo ka dana ti kɪ asi-naa bərərə, kadi bade je adi-de mede. Be ə, me ne je ti pətɪ, a adi-de kɔsi-gon dɔ ne ndo ti lə Luwə kɪ nje kaji-je.

### *Me-maji lə Luwə*

<sup>11</sup> Luwə tɔʒi me-maji ləne, ki e gin kaji lə dije pəti ki taga wangi.

<sup>12</sup> Me-maji lə Luwə kin ndo-je kadi ji tusi ne ra ki go ɔəl Luwə ti al, ki ngur ne lə duniya j-iyə kɔ. J-iyə kɔ mba kadi j-isi ki dɔje taa dɔkagilo ti ki ɔone kin me njiyə ti ki go rəbi ti ki dana, ki təl rɔ go ndu Luwə ti.

<sup>13</sup> Ji rai be taa kadi ji nginai maji ki j-indai meje dɔ ti, kadi ji nginai ndɔ ki Luwə ləje ki bo, ki nje kaji-je Jəju Kirisi a tɛɛ-n me tɔɔa ti ləne.

<sup>14</sup> Kirisi ki un rone adi ki mbata ləje, mba kadi gangi-n dɔje ta ne ra ti ki majal pəti. Gangi dɔje kadi ji tɔli dije lie ki kay njay. Dije ki kay njay, ki tingai bil me ne ra je ti ki maji.

<sup>15</sup> E kin ə, e ne ki kadi indo dije, kadi ilə-n dingəm mede ti. Tɔgi kər nɔ dije ki aw-n kin, kadi indangi-n-de ki rɔ ki tɔ kati. İra adi dəw madi kidi al.

## 3

### *Pa njiyə njé kadi-me je*

<sup>1</sup> Ole me njé kadi-me je kadi ilai dɔde gin tɔgi ti lə ngar je ki njé kɔɔe je. Kadi tɔli rɔde go ta ti ləde, ningə kadi əi ɔasi ta ra ne je ti ki maji maji pəti.

<sup>2</sup> Əl-de kadi əli ta ki majal dɔ dəw madi ti al, kadi əi njé ge kəl al, kadi əi njé kilə noji naa ti, kadi dije pəti gəri səl ləm ləm ləde tɔ.

<sup>3</sup> MBata je wa ka, kəte dɔje goto, je njé təl rɔ go ta ti al, ji ndəm rəbi, je gin tɔgi ti lə ngur darɔ je, ki koo maji rɔ je ki dangi dangi. J-isi ta ra me ndul ti ki ta ndingə ne ti, dije mbati je, taa je wa ka ji mbati-naa tɔ.

<sup>4</sup> Nə loki Luwə ki nje kaji-je tɔji maji ki ndigi ləne ki taga mbata ti lə dije kin ə j-ingə-n kaji.

<sup>5</sup> Luwə aji-je ki go rəbi kilə raje je ki dana al, nə e ki go koo kəm-to-ndoo lie e wa. Aji-je ki ta rəbi lə man batəm koji ki sigi, ki ta rəbi lə NDile ki təl-je dije ki sigi ti✧.

<sup>6</sup> Luwə buki NDil ki kay njay kin dɔje ti ki tae ba, ki takul Jəju Kirisi ki nje kaji-je.

<sup>7</sup> Luwə buki NDil ki kay njay dɔje ti ki go me-maji lie, mba kadi ɔr-n ta dɔje ti. ɔr ta dɔje ti kadi ji nginə-n kaji ki to biti ki nɔ ti ki j-ində meje dɔ ti.

<sup>8</sup> Ta kin ə e ta ki rɔjeti. Ningə m-ndigi kadi a dɔ ti nga, mba kadi dije pəti ki adi mede Luwə, indəi rɔde ta ne ra je ti ki maji maji. E kin ə e ne ki maji ki ndae to ti mbata lə dije pəti.

<sup>9</sup> Ningə, ta ki naji-naa ti ki to mbə, ki kər gin noji je, ki gangi-naa, ki kəl-naa dɔ ndu-kun je ti kin, əi ne ki ndade goto, ə maji kadi ɔsi rɔi ngərəngi kə kadide ti✧.

<sup>10</sup> Dəw ki nje re ki gangi-naa dan njé kaw-naa je ti, maji kadi indər mbie nja kare, indər ki kɔ joo, ə re oo ta ləi al ningə, sɔbi kadi ɔse ngərəngi.

<sup>11</sup> Igər maji kadi dəw ki be kin, e dəw ki ndəm rəbi. Ə re nay ki lo ra majal ti ningə, isi gangi ta dɔ rone ti e wa.

### *Ta je ki dəbəy ti*

<sup>12</sup> NDɔ ki m-a m-ilə Artəmasi ə se Tisiiki✧ wa, ə tɛɛ rɔi ti ɔa, kadi j kalangi ire ingəm Nikopolisi ti. Tado m-ndigi kadi nay kul osi dəm ti Nikopolisi.

✧ 3:5 Ja 3.5 ✧ 3:9 1Tim 1.4 ✧ 3:12 2Tim 4.12

<sup>13</sup> Maji kadi ində kəmi go Jənası ti, ki nje gər rəbi gangi ta je əi ki Apolosi<sup>☆</sup> maji. İra səde də rəbi mba ti ləde. İra səde kadi ne madi du-de al.

<sup>14</sup> Maji kadi dije ki əi dije ləje, ndoi kaw kəte me ne ra je ti ki maji. Be ə, a gəri lo ra ki dije ki ne to rəde. Ningə, kisi ki də taa ləde a e kare ki ndangi al to.

<sup>15</sup> Dije pəti ki əi səm naa ti ne uwəi jii. Uwə ji madije je, ki əi njé kadi-me je.

Kadi me-maji lə Luwə e naa ti səsi pəti. Amen!

---

<sup>☆</sup> **3:13** Knjk 18.24; 1Kər 16.12

## **KĒLƏ-MĪNDĪ KĪ SĪGĪ**

### **New Testament in Bedjond (CD:bjv:Bedjond)**

copyright © 2011 Wycliffe Bible Translators, Inc.

Language: Bedjond

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Bedjond

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-01

---



PDF generated using Haiola and XeLaTeX on 25 Aug 2024 from source files  
dated 29 Jan 2022  
a4f34a03-c89e-55e0-bc3f-22f7829df823